



Этэ найхан нютагаа эд хамта мандуулаар!

БУРЯАД ҮНЭН

1921 оной
декабриин 21-нээ
гарана

Бүгэдэ
арадай
газетэ

1996
ИЮНИИН
5
Зунай эхин хариган
могой харын 19
СРЕДА
гарагай 4
№105 (19445)
Газетын сэн
Хэлсээтэ.

ПРАВИТЕЛЬСТВЫН

ХҮДЭЛМЭРИЙН ДОЛООН ХОНОГ

Энэ долоон хоногой эхиндэ Буряад Республикын Президент Л. В. Потапов Москвада Россин Федерациин Федеральна Суглаанай Федерациин Соевдэй хүдэлмэридэ хабаадаха.

Июниин 5-6. "Буряад ороной хүүгэдэй асуудалнууд, үхибүүдэй байдал, тэдэнэй ажагуудалые найжаруулха зорилгонууд" гэнэн эрдэмэй-ажал ябуулгын республиканска конференци үнгэргэгдэхэ.

Июниин 6. Буряад Республикын Президент Л. В. Потаповай хүтэлбэри дор республикын Правительствын Президиумэй заседани боложо, социально-экономическа гол шухала асуудалнуудые зүбшэн хэлсэхэ юм.

Июниин 3. Буряад Республикын Правительствын Түрүүлэгшын нэгдэхэ орлогшо В. К. Агаловай хүтэлбэри дор Залуушуулай хэрэгүүдэй талаар Буряад Республикын Президентын дэргэдэхэ залан хүтэлбэрилгын зүблэлэй суглаан болобо. "Территориальна харгын жаса тухай" Буряад Республикын Хуулида хубилалтанууд болон нэмэлтэнүүдые оруулха тухай" Буряад Республикын Хуулиин проект тушаа ырсалдаата асуудалнуудые шийдхэхэ зүблөөн эмхидхэгдэнэ байна. Республикын Эрдэм нуралсалай министрствын үүсхэлээр немец хэлэнэй багшанарай уласхоорондын семинар үнгэргэгдэнэ. Залуушуулай хэрэгүүдэй, аяншалгын, физическэ культура ба спортын талаар гүрэнэй комитет аяншалалгадай слёт эмхидхэхэ. Республикын зөөрин жасын эдэхэ үүсхэлээр үнэтэ саархан болон жасын дэлгүүр тушаа комиссиин заседани болобо.

Июниин 4. Буряад Республикын

Правительствын түрүүлэгшын орлогшо Л. Ч. Нимаевагай хүтэлбэри дор Улаан-Үдэ хотын 330 жэлэй ойдо бэлдэхэ талаар эмхидхэлэй комитедэй заседани үнгэргэгдөө. Нютагай өөхэдэн хүтэлбэрин зургаануудай болон аяншалгын фирмэнүүдэй хабаадалгатай республиканска семинар-зүблөөн болобо, Залуушуулай хэрэгүүдэй, аяншалгын, физическэ культура ба спортын талаар гүрэнэй комитет тэрэниие зарлаа.

Июниин 5. Хүдөө ажахын үйлэдбэрин эмхидхэлшэ, бэлигтэй бэрхэ хүтэлбэрилэгшэ Ц. С. Семёновой дурасхаалда зорюулагдажа, хүдөө ажахын хүтэлбэрилэгшэд болон мэргэжэлтэдэй республиканска нэгдэхэ конференци-спартакиада эхилхэ. Республикын Хүдөө ажахын ба эдөө хоолой министрство, Залуушуулай хэрэгүүдэй, аяншалгын, физическэ культура болон спортын талаар гүрэнэй комитет, Мухар-Шэбэрэй аймагай өөхэдэн хүтэлбэрин захиргаан хоёр үдэрэй туршада үргэлжлэхэ конференци-спартакиады эмхидхэнэ.

Июниин 6. "Буряад Республикын Газар дээрэ нэмэлтэ пенсээр хангалгын ёно гуримые хүгжөөхэ тухай" Буряад Республикын Хуули каража үзэлгын зүблөөн Буряад Республикын Правительствын Түрүүлэгшын нэгдэхэ орлогшо В. К. Агаловай хүтэлбэри дор болохо.

Июниин 8. Бэшүүрэй аймагай Бага-Куналейн хүүгэдэй байшангай байгуулагдаһаар 50 жэлэй ой энэ үдэр гүйсэхэ.

Буряад Республикын Президентын ба Правительствын хэлбэлэй албан.

ЗОРИЛГОНЬ ЕХЭ

"Буряад Республикада үхибүүдэй мүнөөдэрэй байдал ба ерээдүй" гэнэн республиканска научно-практическа конференци июниин 5-да үглөөнэй 10 сагта эхилжэ, хоёр үдэрэй туршада хүдэлмэрээ үргэлжэлүүлхэ.

"Үхибүүдэй эрхэнүүдые хамгаалга" гэнэн гол зорилго урдаа табиан конференцидэ Буряад Республикын Правительствын Түрүүлэгшын орлогшо Л. Ч. Нимаева, Буряад Республикын Арадай Хуралай Түрүүлэгшын орлогшо А. Д. Карнышев, Буряад Республикын хүн зоние социальна талаар хамгаалгын министр С. Г. Ефимов, Буряад Республикын элүүрье хамгаалгын министр Б. Г. Бальжирова, эстициин министрэй орлогшо Л. Д. Ибрагимова һонирхолтой элидхэлнүүдые хэхэ.

"Үхибүүдые хүмүүжүүлэн, хүл дээрэнэ гаргаха - гэр бүлын нангин уялга" (хүтэлбэрилэгшэдын - Буряад Республикын хүн зоние социальна талаар хамгаалгын министрэй орлогшо Л. К. Санхядова, БГУ-гай эхин нуралсалай факультэдэй декан Н. Б. Дондубон, Буряад Республикын Ажалай болон хүн зоние ажаалаар хангалгын министрствын таһагы даагша З. Ц. Айдаева), "Үхибүүдэй элүүрье хамгаалга" (хүтэлбэрилэгшэдын - Буряад Республикын Элүүрье хамгаалгын министрствын ахамад педиатр Л. С. Перепанова, Улаан-Үдын захиргаанай элүүрье хамгаалгын таһагы даагша М. А. Халтаева), "Үхибүүдые хүмүүжүүлгэ" (хүтэлбэрилэгшэдын - Буряад Республикын эрдэм нуралсалай министрэй орлогшо Л. И. Казюка, БГУ-гай педагогикын кафедрые даагша Г. Ц. Молонов, Залуушуулай хэрэгүүдэй талаар гүрэнэй комитедэй түрүүлэгшын орлогшо Б. Д. Цыдыпов, Улаан-Үдын захиргаанай эрдэм нуралсалай управление даагша Д. Ц. Дугарова), "Онсо хүшэр байдалда байһан үхибүүд" (хүтэлбэрилэгшэдын - Н. Ч. Цыбенова, Буряад Республикын Правительствын дэргэдэхэ хуулиин һаһа гүйсөөдүй үхибүүдэй хэрэгүүдэй талаар комиссиин харюусалгата секретарь, Н. М. Мункуева, Буряад Республикын Хүн зоние социальна талаар хамгаалгын министрствын гэр бүлэнүүдтэ, эхэнэрнүүдтэ болон үхибүүдтэ туһаламжа хүргэлгын социальна албануудые хүгжөөлгын таһагы даагша) гэнэн секцинүүдээр хубааржа, конференцидэ хабаадагшад олон асуудалнуудые зүбшэн хэлсэхэ, шийдхэхэ түсэбтэй.

Д. ЭРДЫНЕЕВА.

Хабарай тарилга - 96

ҮШӨӨЛ ДҮҮРГЭГДЭЭГҮЙ

(ХҮДӨӨ АЖАХЫН ШЭНЖЭЛЭЛ)

Зунаймнай зулгы найхан сагыше хүржэ ербэл даа. Хура бороогой үнинэй ороогүй, хабарһаа хойшо нилээд гандуу уларилтай байгаагыше һааны, һүүдэй үедэ тала дайда, хада уула үдэр эрэхэ бүри улам түргэнөөр ногооржо охилбэ. Тэрэ мүртөө олохи аймагуудта һаяшаг ороһон бага ээргын бороо ургамал ногооной үндэһэ заахан норгожо, ургасадаһ ами үгэбэ.

Ингэжэ зунай хаһын түлэг орожо байбашы, республикын хүдөөгэй олохон ажахынууд хабарайнгаа тарилгы дүүргэжэ ядаһалхай тухашарһаар. Буряад Республикын Хүдөө ажахын болон эдөө хоолой министрствэдэ суглаулагдаһан мэдээн дээрэнһэ харахада, ороһото ургамалнуудай тарилга унжагайрагдажа, таатай хаһа болзолын нилээд оройтуулагдажа байна гэхээр.

Мүнөө июнь һарын гараад байхада, республика соо таригдаха ёһотой бүхы 336,1 мянган гектар ороһото ургамалнуудай 251,2 мянган гектарынь таригдаа гэхэ гү али хараа түсэб һаял 74,7 процентдэ хүргэгдэбэ. Тэрэ тоодо республикын Хүдөө ажахын болон эдөө хоолой министрствын мэдээдэ ородог ажахынуудта майн 31-нэй мэдээгээр хабарай эртын тарилга хэхэ түсэб 76,5 процент дүүргэгдээд байна.

Зарим аймагуудай ажахынууд шэниисеэшые тарижа дүүргэгүй байһаар. Бүхы дээрээ 181,3 мянган гектарта шэниисэ таригдаха аад, тэрэнэй 174,7 мянга гаран гектарынь таригдаа. Бэшүүрэй аймагта 4 мянга шахуу гектар, Мухар-Шэбэрэй - 1300, Захааминай - 2000, Зэдын, Тарбагатайн, Прибайкалийн, Ивалгын аймагуудта 450-500 хүрэтэр гектарта шэниисэнь үшөө таригдаагүй. Урда жэлнүүдтэ энэ таряан хэды хожомдуулагдаашы һаа, заатагүй майн 20-25 болотор таригдаада байдаг һааб даа.

Гансаһые ороһото ургамалнуудые тариха һайн хаһа үнгэржэ байна бэшэ, мүн хартаабха, тэжээлэй (силос, сенаж болгодохо) ургамалнуудые тарижа дүүргэхэ саг баһа тулажа ерэнхэй. Гэбэшые майн 31-нэй мэдээгээр республика соо энэ жэлдэ таригдаха ёһотой 1854 гектар хартаабхын 1368 гектарынь таригдаа. Тэрэшэлэн бүхыдөө 129.635 гектарта оройн тэжээлэй ургамалнуудай үрэнһэн хаягдаха аад, тэрэнэй миил 22,8 мянган гектарынь лэ хурьһэндэ оруулагдаа. Зэдын аймаг тэжээлэй ургамалнуудые тариха түсэбөө дүүргэхэ дүтэлөө. Кабанскын, Яруунын, Тарбагатайн, Түнхэнэй аймагуудта энэ хүдэлмэри муу

бэшээр ябуулагдаа. Бэшүүрэй, Мухар-Шэбэрэй, Прибайкалийн, Сэлэнгын, Загарайн, Хяагтын аймагууд тэжээлэй ургамалнуудые тариха даабаряа 20-22 процентдэшые хүргөөгүй.

Байгша ондо республика соо 1029 гектарта огородой эдөөнэй ургамалнууд таригдаха юм. Даб дээрэ тэрэнэй оройдоол 281 гектартаһан овоцой үрэнһэн хурьһэндэ оруулагдаа. Илангаяа Загарайн эгээл эхэ газарта-243 гектарта, Ивалгын - 307, Тарбагатайн - 86 гектарта огородой эдөөн таригдаха байна.

Олохон аймагуудта эртын сэбэр наар хахалха хүдэлмэри урагшатай һайн ябуулагдаа гэхын арагүй. Хахалагдаха 224.373 гектар эртын наарай 71.466 гектарынь

эддүүрилэгдээ. Зэдын аймагайхид 25,4 мянган гектарта наар хахалха аад, тэрэнэйнгээ 20,5 мянган гектартаһан түрүүшын элдүүрилгэ хээ. Хэжэнгын, Хурамхаанай аймагууд энэ хүдэлмэриие муу бэшээр ябуулаа.

Хүйтэн, газарай хурьһэн хуурай байгаа гэхэ ямаршые

ургамалай тарилгы хойшолуулаха, хүлээхэ саг һалаа гэжэ тоолохоор. Бүхы тарилгы саашадан үшөө ехээр унжагай руулангүйл дүүргэхын тула али болохо хэмжээ абаха шухала болоно.

Редакциин социально-экономическа таһаг.

РЕСПУБЛИКЫН БҮХЫ АЖАХЫНУУДАТА ХАБАРАЙ ТАРИЛГЫН ХЭР ҮНГЭРГЭГДЭЖЭ БАЙҢАН ТУХАЙ 1996 оной майн 31-нэй мэдээн (Хараа түсэбэй дүүргэлтэ процентээр)

Аймагууд	Бүхы таряан	Тэрэ тоодо шэниисэ	Хартаабха	
			түсэбтэ даабари (гектараар)	таригдананиип (гектараар)
Тарбагатайн	92,0	95	135	105
Хэжэнгын	89,2	115,3	3	1
Кабанскын	87,5	111,3	560	385
Загарайн	86,2	90,0	130	104
Яруунын	81,1	107,6	4	3
Түнхэнэй	80,1	95,7	90	73
Сэлэнгын	78,2	100,4	8	20
Прибайкалийн	77,2	90,2	60	29
Хурамхаанай	76,3	99,9	3	1
Зэдын	73,2	99,8	64	41
Мухар-Шэбэрэй	73,5	95,3	227	187
Хяагтын	70,6	101,5	210	141
Ивалгын	69,2	91,3	110	50
Баргажанай	69,2	90,5	20	3
Хориин	69,0	100,2	2	-
Бэшүүрэй	63,5	85,0	220	220
Хойто-Байгалай	60,0	-	-	-
Захаамингай	48,0	56,3	10	6
Республика бүхыдөө	74,7	96,4	1854	1368

Буряад Республикын Арадай Хуралай депутадта кандидадууд

ОРОЛТО УГЫН ОРОНДО

Буряад Республикын Арадай Хуралай депутадудай хунгалта округной хунгуулин 4 округто - Улаан-Удын Стеклозаводской хунгуулин 63-дахи округто, Калашниковска хунгуулин 55-дахи, Зареченскэ хунгуулин 62-дохи, Загарайн

районной Онохойн хунгуулин 12-дохи округто хунгалта боложо, үшөө 4 депутат Арадай Хуралда нэмэжэ хунгагдаха болоно.

Улаан-Удын Стеклозаводской хунгуулин 63-дахи округто Арадай Хуралай депутадта

кандидадуудаар **Е.М. Егоров, В.В. Андреев** дэбжүүлэгдээн байна. Тэрэшэлэн Зареченскэ хунгуулин 62-дохи округто Арадай Хуралай депутадта кандидадуудаар аяар 7 хүн дэбжүүлэгдээд байнхай.

ЕВГЕНИЙ МАТВЕЕВИЧ ЕГОРОВ

Е.М. Егоров 1949 ондо түрэнэн, намгатай, хоёр үхибүүтэй. Тэрэ Зүүн Сибириин технологическа институт, ниитын эрдэмэй академи дүүргэнэн юм.

Инженер-барилгашан мэргэжэлтэй, политолог. Евгений Матвеевич прорабаар ажаллаһан, түрэл институтдаа багшалһан, аспирантурада хураһан намтартай.

1985 онһоо Улаан-Удын Советскэ районной Соведай гүйсэдкомой түрүүлэгшын нэгэдэхи орлогшоор, удаадахи жэлдэнь гүйсэдкомой түрүүлэгшээр, 1991 оной октябрьһаа

- Буряад Республикын Гүрэнэй комитедэй түрүүлэгшээр ажаллаа.

1992 оной августда Буряад Республикын Министрнүүдэй Соведай Түрүүлэгшын орлогшоор томилогдоо. 1995 онһоо хойшо "Буддын пенсионно жаса" гэдэг гүрэнэй бэшэ пенсионно жасын Соведай түрүүлэгшээр ажаллана.

Е.М. Егоров Арадай Хуралай депутадар хунгагдабал, удаадахи гол асуудалнуудые шиидхэлсэхэ байна:

- хүн бүхэнэй аша туһые хамгаалха;
- республика доторхи экономическа байдалые түргэн саг соо тогтониторжуулха хэрэгтэ нүлөөлхэ;
- нэмэлтэ, гүрэнэй бэшэ пенсионно хангалгые хүгжөөхэ;

- республикын социальна программа зохёохо ба бэелүүлхэ хэрэгтэ нүлөөлхэ;

- гэр бүлэнүүдэй аша туһые, тэрэ тоодо сэрэгэй албанһаа табигдажа ерэнэн гэр бүлэнүүдтэ түрүүшын ээлжэндэ туһалхые оролдохо;

- залуушуулай эрхэнүүдые хамгаалха, аша туһыень харалсаха;

- байрын гэрнүүдые олоор бариха хэрэгтэ нүлөөлхэ.

Е.М. Егоров хунгуулингаа округто удаадахи шухала асуудалнуудые шиидхэлсэхэ байна:

- шэлэй заводто, "Электромашин", Кировэй нэрэмжэтэ заводто, нефтебазада бодото туһаламжа үзүүлхэ;

- тэндэхи хунгуулин округой хүн зоние дулаанай талаар хангалгые хайжаруулха;

- маршрудаар ябадаг автобусуудай таһалгаряагүйгөөр ябадаг болохо хэрэгтэ нүлөөлхэ;

- Сэлэнгын зүүн эрьедэ ажаһуудаг айлуудые уһанай үерһөө найдамтайгаар хамгаалха хэрэгтэ нүлөөлхэ;

- тосхон соохи телефонуудай тоое олошоруулха талаар хэмжээнүүдые абаха;

- тосхоноо болбосон түхэлтэй

болгохо, үйлсэнүүдыень асфальтаар хушаха, үйлсэнүүдые хүнийн сагта гэрэлтүүлхэ хэрэгтэ нүлөөлхэ;

- хургуулинуудые, хургуулин наһа гүйсөөгүйшүүлэй эмхи зургаануудые, спортивна комплексые, медицинскэ эмхи зургаануудай материално-техникскэ талаар хангалгые хайжаруулгада нүлөөлхэ.

- Евгений Егоров - ямаршые парти, нэгэдэл болон хүдэлөөнүүдһээ дулдыданги бэшэ кандидат, тэрэ ямаршые экономическа орёо асуудалнуудые шиидхэжэ шадаха дүй дүршэлтэй, бэлиг шадабаритай юм, - гэжэ Стеклозаводской хунгуулин округой хунгагшадтай бүлэгэй гэшүүд бэшэнэ. Буряад Республикын Арадай Хуралай депутадта кандидат Е.М. Егоров үндэр наһатайшуулай, пенсионернүүдэй ажабайдал ба ажаһуудалай асуудалнуудта онсо анхарал хандуулха байна. Тиймэнээ ажалай ба дайнай ветерануудай клуб Советскэ район дотор эмхидхэхэ хүсэлэнтэй.

Гэмтэ ябадалтай тэмсэхэ талаар хуули сахилгын зургаануудай хүдэлмэридэ туһалха зорилго урдаа табинхай.

Гадна манай гүрэндэ хүсэ ехэтэй



арми хэрэгтэй. Ушар тиймэнээ сэрэгэй албатанда, тэдэнэй гэр бүлэнүүдые байратай болгохо талаар асуудал депутадта кандидадай онсо хиналта доро байха юм.

Улаан-Удын Стеклозаводской хунгуулин округой хунгагшад! Буряад Республикын Арадай Хуралай депутадта кандидат Е.М. Егоровой түлөө бултадаа дуугаа эдэбхитэйгээ үгэе!

С. ОЧИРОВ.

ВЛАДИМИР ВАСИЛЬЕВИЧ АНДРЕЕВ



Улаан-Удын гарнизонной начальник, нэгэдэмэл сэрэгүүдэй командир генерал-лейтенант Владимир Васильевич АНДРЕЕВ Улаан-Удын хунгуулин Стеклозаводской 63-дахи округто Арадай Хуралай депутадта кандидадар дэбжүүлэгдээн байна.

Владимир Васильевич Андреев сэрэгэй алба хаагшын бүлэдэ 1949 ондо түрэнэн юм. Курск хотодо түрэнэн Владимир эсэгээ дахажа, Эхэоронойнгоо олонхото городуудай хургуулинуудта хураһан байгаа. Тийгэжэ ябатараа Суворовско училищида орожо, тэрэнээ

амжалтатайгаар дүүргэбэ. Сэрэгшэдэй ажабайдал хайн мэдэхэ болоһон Владимир Андреев өөрынгөө хуби заяан, бүхы наһаяа Эхэ оронойнгоо Зэбсэгтэ хүсэнүүдэй албанда зорюулжа эхилээ. Абаһаар тэрэ Бакуда командирнуудые бэлдэдэг дээдэ училищи дүүргэнэнэй удаа Зэбсэгтэ хүсэнүүдтэ алба хэжэ үргэлжэлүүлээ. Тийгэжэ эсэгэдээл адли оронойнгоо олон тоото газарнуудаар ябажа, сэрэгшэдые Эхэ орондоо дуратайгаар хүмүүжүүлдэг байгаа. Өөртөөшье, сэрэгшэдтээшье эрилтэ ехэтэйгээр хандадаг Владимир Васильевич Афганистанда эхилһэн дайн байлдаанда эльгээгдэжэ, интернациональна туһаламжа афган арадта үзүүлэлсэжэ ерээ бэлэй.

Владимир Васильевич Афганистанһаа ерэнэн жэлдээ М.В. Фрунзын нэрэмжэтэ сэрэгэй, удаань генеральна штабай сэрэгэй академинүүдые амжалтатайгаар дүүргэжэ гараһан байха юм.

Владимир Васильевич хаанашье алба хэжэ ябахандаа, илангаяа мүнөө үе сагта Росси дотор боложо байгаа ниитын-политическэ, социально-экономическа байдалые тон зүбөөр ойлгожо, даажа абаһан уялгануудаа, албанда байһан хүбүүдыемнай Эхэ орондоо дуратайгаар хурган хүмүүжүүлхэ хэрэгтэ харюусалга болон эрилтэ ехэтэйгээр хандадаг ёһотойл эрхим хүмүүжүүлэгшэ, хүтэлбэрилэгшэ байһанаа харуулжа ябадаг гэшэ.

Владимир Андреев манай Буряад

орондо албаяа хэжэ ябахандаа, бүхы зоной, тэрэ тоодо дайнай, ажалай ветерануудай, пенсионернүүдэй, сэрэгшэд-интернационалистуудай, инвалидуудай, олон үхибүүтэй гэр бүлынхидэй, сэрэгэй алба хаагшадтай социальна асуудалые хайн мэдэдэг, шадаха зэргээрээ туһалжа, гэдхэмжэ үзүүлхэ гэжэ оролдодогынһаа хайшаалтай. Эхэ оронойнгоо Зэбсэгтэ хүсэнүүдтэй хуби заяагаа холбожо, хэды арбаад жэлэй туршада эрхим командир ябаһан Владимир Васильевичай үбсүүндэ Лениней, Дайшалхы Улаан Тугай, Улаан Одоной гурбан (нэгэниинь Афганистанай Республикада алба хэжэ байхадань үгтэһэн) орденууд, хэдэн медальнууд толордог юм.

Буряад Республикын Арадай Хуралай депутадта кандидадар дэбжүүлэгдээн В.В. Андреевэй бэелүүлхэ саашанхи зорилгонуудай программа соо иигэжэ хэлэгдэнэ: "Буряад Республикада национальна эб нэгэн бүлын политика улам хайжаруулха, хуули эбдэгшэдтэй шанга тэмсэл ябуулха, арад зоной үргэн хэрэглэмжын эд бараа үйлэдбэрилдэг предпритинуудта хүнгэлэлтэтэй налог түлэдэг болгохо, дайнай, ажалай ветерануудта, инвалидуудта, олон үхибүүдтэй гэр бүлэдэ, уялгата албанһаа табигдаһан сэрэгшэдтэ, сэрэгшэд-интернационалистуудта, гүрэнэй талаһаа тэдхэмжэ абадаг зондо бюджетээр хараалагдаһан байрын гэрнүүдые бариха асуудалда гол

анхаралаа хандуулха, тийхэдээ эдэ бүгэдые өөрынгөө хиналта доро абажа, али болохо туһаламжа үзүүлхэ зорилго урдаа табина.

Мүн энэ программа соонь республика дотор ажаһуудаг олон үндэһэ яһатанай соёл хүгжөөлгэдэ болон бусад асуудалнуудые шиидхэлгэдэ хубитаяа оруулга сахаар шиидэнхэй.

- Буряад Республикын Арадай Хуралай депутадта кандидадар дэбжүүлэгдээн зүбшөөлөө үгэхэдөө, ямаршые аша туһа өөртөө олохо зорилго табинагүйбэ. Оронойнгоо Зэбсэгтэ хүсэнүүдтэ алба хэжэдээ, хуулида харша муу юумэ хээгүй, нангин уялгаяа нэрэтэй түрэтэйгөөр дүүргэхын хойноһоо оролдожо ябанаб, - гэжэ депутадта кандидат хэлээ һэн.

- Депутадта дэбжүүлэгдээн зарим кандидадууд хунгуулин урда тээ шиидхэгдэхээр бэшэ асуудалнуудые тэрэ доронь шиидхэхэбди гэдэжэ байгаад найдуулдаг гэшэ бээ. Би сэрэгэй хүн хадаа, тэрэ мүртөө командир һэн тула тийгэжэ байгаад элдэб эсын хоһон найдуулга хэжэ эрхэгүйбэ, - гээд нүхэр Андреев онсолно.

Сэрэгэй албанда бүхы хүсэ шадалаа, бэлиг шадабаряа зориулдаг байбашье, Буряад Республикын хүгжэлтэдэ өөрынгөө хубитые оруулжа шадахаар депутадта кандидат Владимир Васильевич Андреев болоно. Хунгагшад, тэрэнэй түлөө дуугаа үгэе!

Б. ЦЫРЕМПИЛОВ.

